



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Magistro Et Fratribvs militiæ Christi in Riga.

urn:nbn:de:hbz:466:1-20020

580 Epistolarum Innocentij III.

dicere possumus, *Quis infirmatur &c. in eundem ferè modum ut in superiori que mittitur Patriarche Alexandrino usque.* Cùm igitur tamquam aurum in fornace Dominus suos prober electos, universitatem vestram monendam duximus & hortandam quatinus non deficiatis in tribulationibus vestris &c. usque superne miserationis retardatur effectus, a quibus vos sub obtestate divini judicij obsecramus penitus abstinere, ne per vos inter gentes sanctum nomen Domini blasphemetur. Alioquin fructu profecto vel à Deo misericordiam vel à nobis solatium expectatis. Datum Laterani xiv. Kal. Februarij, pontificatus nostri anno quartodecimo.

*MAGISTRO ET FRATRIBVS
militie Christi in Riga.*

*Epiſt. 149.
Difficit cre-
tionem episco-
palis sedis.*

Gratias eximias bonorum omnium referimus largitori quod conatus vester contra barbaras nationes inutilis non existit, sed de die in diem in vestris manibus prosperatur; ita ut gressus vestros Domino dirigentes, plures vobis subiecti ex eisdem, & ad unum adduxeritis cultum Dei, recepto baptismatis sacramento. Verum dilectus filius, confrater vester lator praesentium à nobis cum instantia postulavit ut in terris illis quas vobis nuper divina praeunte clementia subjugasti dignaremur Episcopum ordinare. Sed preces ipsius, cùm arduum sit negotium, non duximus protinus admittendas; quin potius usque ad tempus expetandum providimus opportunum; universitatem vestram monentes & exhortantes attentius quatinus in Domino confortemini & in potentia virtutis ipsius, prælia Domini viriliter pugnatur; scientes quod nostrum vobis non deemit auxilium in quibus cum Domino viderimus expedire. Datum Laterani viii. Kal. Februarij, pontificatus nostri anno quartodecimo.

*ABBATI SANCTI VICTORIS
Parisenſis.*

*Epiſt. 150.
Interpretatur
quoddam pri-
vilegium ei-
dem Abbati
concessum.*

Sicut ex litteris tuis nuper acceperimus, cùm olim ex parte dilectorum filiorum scholarium Parisiensium nobis fuerit humiliter supplicatum ut cùm interdum eorum aliqui ex mutua injectione manuum in canonem incident sententiæ promulgatae, pro qua sine gravi dispendio, & præfertim sine scholastici studij detimento, non posse ad apostolicam sedem accedere, super hoc dignaremur eisdem misericorditer prævidere, nos tibi dedimus in mandatis ut

cùm esses à talibus requisitus, auctoritate nostra suffultus juxta formam Ecclesiæ ab solutionis eis munus impenderes, & injungeres ipsi quod hujusmodi conluevit in jungi, nisi forsan tam gravis esset & enor mis excessus quod merito propter eum deberent ad sedem apostolicam laborare. Tu verò quorundam consilio afferentum beneficia Principum latissimè fore interpre tanda, scholaribus Parisiensibus qui incident in hujusmodi canonem quocunque loco, iniciendo temere manus in Clericos violentas, juxta formam præscriptam ab solutionis beneficium impendiſſi. Nos igitur his auditis de tua non potuimus prudētia non mirari, quod ad sic intelligendum litteras nostras tuum animum inclinati, cùm in eisdem litteris non dicatur incident, sed incident in canonem sententiæ promulgatae; ut de illis foliis intelligatur scholaribus qui Parisius existentes hujusmodi committunt excessum. Quocirca praesentum tibi auctoritate mandamus quatinus scholares illos absolvere de cetero non præsumas qui alibi quam Parisius taliter deliquerunt, sciens quod illi pro absolutis haberent non debent quos alibi delinquentes quam Parisius absolviſſi, cùm de talibus nullam acceperis potestatem. Datum Laterani x. Kal. Februarij, pontificatus nostri anno quartodecimo.

*DECANO ET CAPITVLO
beati Aniani.*

Sicut exhibita nobis ex parte vestra petitio declaravit, Ecclesia vestra occasione cuiusdam consuetudinis perverſe ibidem haec tenus observatae debito Canonorum servitio ſæpius defraudatur. Cùm enim Ph. quondam Decanus & Capitulum ipsius Ecclesiæ statuerint ut illi tantum præbendarum suarum integrè perciptarent redditus qui affiduum impenderent eidem Ecclesiæ famulatum, adjungentes insuper quod tantum ille diceretur & eſſet affidius qui eidem foli Ecclesiæ Canonicī servitum exhiberet, ſe ſervaturos hæc omnia præſtitio juramento firmantes, nonnulli veltrum exinde occaſione fraudulenter affumpta, cùm extra civitatem Aurelianensem frequenter moram faciant longiorem, ita quod per totum annum continuè vel interpolatim, dierum numero computato, nec etiam per tres menses Ecclesiæ ſerviunt memoratae, integrè fructus suarum perciptiant præbendarum, dicentes ſe juxta statutum præfatum affiduitatem ſervitij Ecclesiæ impendiſſe. Verum postulaſſi à no-